

己酉

南洋官報

第十期

宣統元年閏二月初五日

諭旨恭錄

京朝法政

度支部 奏議穆江督奏淮安關征稅一年期滿懇請從寬並陳近年稅收情形摺

兩江奏牘

兩江總督端 奏故總兵王得勝遺愛在民請准建祠海州摺 ● 又奏請將已故兩淮運司

洪汝奎開復原官摺 ● 又奏候補道李本森致緘瑞澂厚贄拜門請革職片 ● 江蘇巡撫陳

奏新訂刑律草案逐條籤註摺 ● 督部堂端 札甯蘇皖三藩司委員守提報費文 ● 又

札委陳令充蘇門答臘把東中華學堂教員兼校長文 ● 又札蘇臬司考查巡警有無專橫

無法擾民滋事各節文（附抄原奏） ● 又札留學日本美術學校女學生李士賢給咨赴

日學習女監獄文 ● 又批徐州鎮楊總兵稟請援案加支出防馬步隊錢文並車價各項由

● 又批淮揚海道詳官督商辦清淮實業公司請立案由（錄原稟） ● 又批無為州文生

孔祥霖稟未驗堤圩先行被押由 ● 又批阜陽縣彭令稟創辦罪犯習藝所附設工藝學堂

請驗收並准分年捐攤建築費由 ● 又批瑞昌縣楊令稟設立自治研究所附設統計處請



立案由（附原稟）●又批會昌縣策令稟請緩辦工藝局各項新政局所由●又批信豐縣王令稟事主袁五古被匪搶劫銀洋由●又批鞏華製革廠職商嚴守良沛稟陳困難情形乞認銷飭辦咨部考驗由●又批職員徐義方稟求札催議辦各事由●又批安東縣孀婦于王氏稟兇犯縱脫叩請親提由●又批爪哇商人葉兆輝稟請試種包豐以備荒歉由（錄原稟）●甯藩司樊 移復本局一體飭屬遵限趕解報費文●又札飭各屬按季應捐蘇州府幕脩等款擬准扣廉給用文●又批准安府詳山陽縣據紳士等公舉農務公會總理請轉詳立案由（錄原詳）●又批六合縣申送上年十二月分積穀收支由●又批六合縣職董朱鏡清等稟求將延壽菴廟產留作興學經費毋庸變賣由●又批民人徐冬官稟控胡念修恃官妄爲求恩飭查一案由●又批鹽城縣廩生呂煥等稟公籲批飭本管道府親提質訊周冕一案由●甯學司陳 批句容縣文生戎肇元等稟爲不平則鳴公叩原情由

外省新政

郵傳部 奏覆陳勘查四川漢路綫股資大概情形摺

藝文存略

伯嚴自漢上送人歸有贈●久不與伯嚴戰詩比日連雨夜坐翛然再賦奉簡●雨中●園

諭旨恭錄

二月二十八日

監國攝政王鈐章奉

上諭廣西提督著龍濟光補授欽此

軍機大臣署名

二十九日

監國攝政王鈐章奉

上諭廣西左江道員缺著紀堪謹補授欽此

軍機大臣署名

三十日

監國攝政王鈐章奉

上諭度支部奏酌擬清理財政處各項章程一摺清理財政爲豫備立憲第一要政各省監理官又爲清理財政第一關鍵所有正監理官著該部自丞參以下開單請簡俾昭慎重其副監理官著卽由該部奏派餘依議單併發欽此

上諭廣西桂林府知府員缺緊要著該撫於通省知府內揀員調補所遺員缺著敦崇補授欽此

南洋五日官報
軍機大臣署名

閏二月初二日

監國攝政王鈐章奉

上諭三載考績爲國家激揚大典內外滿漢諸臣有能共體時艱勞動最著者允宜特加甄叙其平庸衰病者亦難曲爲優容茲當京察屆期吏部開單奏請詳加披閱軍機大臣總理外務部事務慶親王奕劻謹慎忠純勳勞懋著竭誠籌畫悉協機宜著交宗人府從優議叙大學士世續張之洞協辦大學士尙書鹿傳霖大學士那桐同資襄贊共矢慎勤均著交部議叙大學士孫家鼐老成厚重衆望交孚新授東三省總督錫良力任艱鉅勞怨不辭直隸總督楊士驥宣勤畿輔籌畫精詳兩江總督端方規模宏遠應變有方山東巡撫袁樹勳籌辦新政任事實心均著交部議叙民政部右侍郎趙秉鈞聲名平常著原品休致餘著照舊供職欽此

上諭民政部左侍郎著烏珍補授林紹年著補授民政部右侍郎欽此

軍機大臣署名

度支部 奏議穆江督奏淮安關徵稅一年期滿懇請從寬並陳近年稅收情形摺

奏爲遵

旨議奏仰祈

聖鑒事兩江總督端方奏淮安關征收稅鈔一年期滿援案懇請從寬議

結並瀝陳近年稅收情形一摺光緒三十四年十二月十四日奉

旨度支部議奏欽此欽遵由內閣

抄出到部原奏內稱淮安關稅務自裁撤監督改派道員會同淮安府接辦後所有試辦情形業經先後奏報截至光緒三十三年七月底止今自三十三年八月初一日起至三十四年七月底止又當關期屆滿自應照案辦理查淮宿海三關稅課自光緒三十年派委府道各員接辦歷經革除積弊化私爲公逐年收數較前皆有增加惟今昔情形不同最難規復舊額核計自光緒三十年九月初一日接辦起至三十一年八月底止計一年共征正稅銀十七萬四千三百四十九兩五分七釐自三十一年九月初一日起至三十二年七月底止連閏扣足一年共征正稅銀二十三萬六千三百九十九兩六釐又自三十二年八月初一日起至三十三年七月底止計一年共征正稅銀八萬一千一百二十七兩四錢七分七釐均經奏奉部議免其賠繳並因上屆江北奇災收數銳減不能據爲三年比較定衡准俟本屆期滿察核收數再行酌定征額各在案茲屆關期報滿綜計共征收稅銀十三萬八千三百四十九兩二錢五釐內有兩淮鹽鈔銀一萬兩蓆抽銀四兩五錢三分未准解到又淮安倉項下征收茶稅銀二十四兩一錢七分海關征收海船樑頭鈔銀三百四十九兩一錢五分九釐以上三款遵例儘收儘解不入比較另收加

征菸酒稅銀一千七百七十兩一錢九分六釐照章另款存儲聽候部撥不在正額盈餘之內此外另收加一火耗銀一萬二千八十兩六錢五分四釐飯食銀四千七百八十四兩四錢六分五釐漏報罰款銀一萬九十一兩四錢二分三釐遵章儘數抵支經費不再動用正款應請照案從寬議結再稅收之多寡歲各不同如前兩屆收數最旺適值頻歲豐登積存豆糧紛紛南運稅收之巨尤爲千載一時上屆江北大災收數最短本屆尙屬中稔收數公平今年皖省水災旱豆失收以故南河豆載鮮有來者大抵極豐極歉之年均不恒有而中稔實居多數現在展期屆滿自應據實聲明以便由部察核近情酌擬稅額請旨欽定俾昭平允茲據接管關務署淮揚海道吳學廉淮安府知府應德閔詳請具奏前來查淮安關稅務前因裁撤監督派道府各員接辦以來迭經切實整頓稅務日見起色上屆因江北奇災稅收缺減本屆歲收尙屬中稔隨時竭力稽征始能有此收數擬懇 飭部照案從寬議結至該關稅額上屆

因災重稅繼不能據以爲衡經奏准展限一年再行酌中定額茲已一年限滿自應聽候部臣察酌近年情形酌擬稅額請 旨欽定以重稅務等語臣等伏查淮宿海三關原定正額銀二十五萬四千三百

六十三兩六錢二釐盈餘銀十一萬兩二共應征銀三十六萬四千三百六十三兩六錢二釐從前歷任監督經征虧額甚鉅迨光緒三十年裁撤監督由兩江總督派員辦理自是年九月初一日改章起第一

年共征銀十七萬四千三百四十九兩五分七釐第二年共征銀二十三萬六千三百九十九兩六釐此

部通計其三年收數請旨欽定稅額准至第三年期滿僅收正稅銀八萬一千一百二十七兩四錢七分七釐經臣部查明是年稅收銳減實因江北奇災所致所有短征稅銀仍請從寬免賠並以是因災短征不得據爲比較定衡請俟下屆期滿察核收數再行酌中定額等因先後奏准行知遵照各在案今該關自光緒三十三年八月初一日起至三十四年七月底止一年期滿除所收茶稅標頭鈔銀不入比較加征菸酒稅銀不在正額盈餘之內火耗飯食罰款等項儘數抵支經費外共征正稅銀一三萬八千三百四十九兩二錢五釐雖較上屆多收五萬餘兩而較之改章後第一第二兩年收數所差尙遠姑念該關轄境因上年江北水災元氣未復且尙在試辦展限期內所有照額短收稅銀二十一萬六千十四兩三錢九分七釐懇請照案從寬免賠以示體恤至所請察酌近年情形酌擬稅額一節查淮關改章後歷年收數雖較從前監督經征頓增倍蓰惟前據稅務處咨送調查該關情形案內聲稱淮關改章所提各項私費由各關口書差按成解繳總辦存儲每月終由總辦體察情形酌量填補其各關口書差人等所得規費除提解外每年尙有二十萬兩有奇等語是該關稅務果使認真整頓當不難規復原額現在若按照近年收數酌量核擬遽予輕改舊額殊於該關實在情形未盡允協自不能不另定辦法臣等公同商酌所有該關自光緒三十年九月初一日改章起至三十四年七月底本屆期滿止計共四屆除一屆征數係因災短收過鉅不計外其餘三屆計共收稅銀五十四萬九千九十七兩二錢六分八釐以此三屆收數平均牽算計每屆應得銀十八萬三千三十二兩四錢二分二釐六毫擬請卽以此數暫作

爲該關比較此後如收不足數著落經征人員照數賠繳如有盈餘仍令儘征儘解第此次所定比較自係防不肖官吏侵蝕稅款藉資限制起見若夫賢能之員總司權事當此整頓稅務清理財政之時自應振刷精神廓清宿弊並將化私爲公之款和盤托出以期規復原額不得因有比較定數稍形疏懈仍由臣部隨時體察稽征勤惰稅收盈絀情形分別量予勸懲以重稅課再各關期滿奏銷於光緒三十二年二月間經臣部奏定新章於關期報滿後三個月內奏報收數並將支銷各款繕具清單隨摺奏銷無庸另案辦理等因行知遵照在案該關本屆仍未遵辦殊屬不合嗣後關期報滿應卽遵照新章辦理以歸簡易至該關本屆開支各款仍須另案趕辦奏銷以憑考核所有臣等遵議緣由理合恭摺具陳伏乞

皇上聖鑒訓示遵行謹

奏宣統元年正月二十三日奉

旨依議欽此

兩江總督端 奏故總兵王得勝遺愛在民請准建祠海州摺

奏爲已故總兵戰績卓著遺愛在民謹據情籲懇 恩施仰祈 聖鑒事竊據海州贛榆沐陽三屬

紳士署郵傳部右侍郎農工商部右丞沈雲沛等呈稱已故陝西河州鎮總兵王得勝年甫逾冠卽以材武著稱當咸豐三年粵匪竄踞金陵擒馘復熾海州僻處偏隅土匪乘機勾煽嘯聚數千人意圖響應海州守備秦懷揚邀王得勝赴海助勦每戰身先斬獲無算渠魁授首內訌以平是爲該總兵立功海州之始六年調赴江南大營隨同攻克江浦十年赴海州辦理團練甫至贛榆擒逆大股猝至該縣城垣半圯危在旦夕該總兵以牛車挑列缺處囊土築板率士卒守之捻逆圍攻九晝夜不得下攻愈急該總兵匹馬率敢死士出城立紫陽橋下徑與賊薄殺傷甚衆賊爲少卻時攻城之匪方取木梯百餘具倚城直上賴該總兵先期運甃石置堞間至是砲石並下賊屍枕藉餘衆潰走是役也城中居民不得食者三日煮篋笥敗皮以果腹而軍民併力卒保危城則該總兵忠勇之氣有以激勵之也以守城功奏獎千總署贛榆縣千總甫蒞任捻匪犯海州州人乞援該總兵率百五十人往環城審視謂城外岡嶺複沓脫爲賊據必不守乃勒兵守鹽河而設伏於城東之孔望山布置甫定賊大股奮至該總兵迎戰陣斬悍匪十餘人於胸山之巔遍設燈旗河西張蘆棚爲疑兵賊駭我軍勢盛逡巡遁去海州西南與山東沂邳接壤民圩多叛同治二年該總兵督隊攻破州西之蓮子灣朱洲中村招降賊圩數十座奏保以守備用擒逆大股

肆擾山東該總兵既以勦擒屢著奇績遂隸總兵陳國瑞部下進攻白蓮池賊飛矛中脅裹創復進獲匪首劉雙印奏保免補都司以遊擊用三年委帶得勝營駐防海州清江桃源等處五年奏保叅將六年隨同道員吳毓蘭擒捻首賴汶洸於揚州論功以總兵記名八年統得勝營赴豫東防勦出力蒙

以提督記名

簡放署海州營叅將仍統得勝營捐廉俸八千串助海州公車賓興之費爲兵丁子

弟籌立義塾彬彬有儒將風駐海既久屢獲盜魁及幅匪多名前督臣沈葆楨奏保堪勝提鎮光緒四年兼統淮北緝私營其治臬嚴於大幫而寬於肩販受事後綱銷頓旺六年前署督臣吳元炳以緝捕動能疊獲巨梟奏保九年奉

旨補授江西南贛鎮總兵十一年因病開缺十五年復統淮北緝私營兼

漕標營務處十六年馬陵山匪衆嘯聚謀搶海贛富紳該總兵先事聞耗率隊馳往俘獲三十餘人自此海州境內盜風爲之斂戢二十一年日東事起前署督臣張之洞檄該總兵募海勝軍八營於青口一帶設防該總兵單騎周歷海濱無間風雨舊疾復作撤防後奉

旨補授陝西河州鎮總兵以疾劇瘳

請開缺三十四年正月卒於家海之父老子弟感頌不忘環請奏懇於海州地方捐建專祠藉申報饗等情奴才伏查該總兵勦擒有功守城著績統軍駐海先後三十餘年勞動卓著遺愛甚深既有禦災捍患之功宜隆俎豆馨香之報合無仰懇

天恩俯准該故總兵王得勝於海州地方由紳民捐建專祠地方官春秋致祭以彰忠盡而順輿情出自

逾格鴻慈謹會同江蘇巡撫臣陳啟泰恭摺具陳伏乞

奏爲已故革職運司前勞足錄遺愛在民謹據情籲懇 恩施開復原官以昭激勸恭摺仰祈 聖

鑒事竊據江甯府屬紳士翰林院侍讀學士黃思永等揚州府屬紳士候補京堂張柳等呈稱已故前兩淮鹽運使洪汝奎志慮忠純夙負時望咸豐粵匪之亂前湖北撫臣胡林翼前兩江督臣曾國藩先後辟叅戎募金陵克復該故運司總理軍需善後事宜勞來安輯一以培元氣固民心爲本勸農興學疲氓復業籌撥善堂經費以卹孤寡議增書院膏獎以惠寒峻掌軍需局最久綜核名實剔弊懲姦歷年積存局款凡數百萬及同治十三年海疆有事修台築壘增防勇數十營咄嗟立辦其後協濟新疆軍餉七百萬籌還西征洋款伊犁償款又數百萬該故運司始終其事從容籌濟沛然肆應 朝廷遂收廓清西域之功良由該故運司平日銖積寸累不憚身爲怨府始獲儲鉅款以應一日之急歷任督臣交章論薦遂蒙

特恩以候補道員

簡授兩廣運司調任兩淮運司抵任後裕課恤商銳意求治凡爲地方

興利事宜如水道橋梁義倉義塾義渡以次建復治未及期百廢具舉時值海嘯奇災該故運司立籌賑款分投撫卹躬親省視竈丁羣慶更生場運因以無誤光緒八年因江甯三牌樓一案罷職遣戍期滿釋回卽經升任兩廣督臣張之洞奏請調用奉 旨發往廣東差委抵粵後委辦海防以病軀歿於瘴地無愧致身之義宜邀宥過之 恩查已故被議大員生前著有勞動一經疆臣籲請無不立沛

殊施如已故廣西巡撫潘鼎新已故清河道史克寬等歷經奉 旨開復有案該故運司政績官聲

南清五日官報
卓有表見江淮士民謳思弗替公懇據情奏請 恩施等情前來奴才伏查該故運司在江南服官垂三十年忠勤夙著成績爛然雖以承審要案獲咎旋蒙 恩旨錄用是其才堪任使久在 先

朝鑒照之中合無仰懇 天恩准將已故前兩淮鹽運使洪汝奎開復原官以順輿情而資觀感出自

逾格鴻慈謹恭摺具陳伏乞 皇上聖鑒謹 奏宣統元年二月初十日奉 硃批著照所請

該部知道欽此

兩江總督端 奏候補道李本森致緘瑞澂厚贄拜門請革職片

再據江蘇布政使瑞澂自上海差次稟稱本月初一日突有江蘇補用道李本森致緘該司云將拜門次日來謁該司拒而未見詎於初六日忽遣人送信並受業帖一紙內封贄敬一千元正擬將來人扣住詎已潛逃據該司將原信票據等件呈請核辦前來查該司清介自持風裁峻整從無人敢以私干今該員李本森竟敢以厚贄相投實屬膽大無恥除銀票飭由該司發充地方善舉外相應請 旨將江蘇補用道李本森即行革職以示懲戒謹會同江蘇巡撫臣陳啟泰附片具陳伏乞 聖鑒訓示謹 奏宣統元年二月十七日奉 硃批著照所請該部知道欽此

江蘇巡撫陳 奏新訂刑律草案逐條籤註摺

奏為新訂刑律總分各則草案逐條籤註恭摺具陳仰祈 聖鑒事竊准憲政編查館王大臣先後咨

旨憲政編查館知道單併發欽此將總則分則草案咨送到臣當經札發臬司論詳參考詳具理由分別籤註去後茲據江蘇按察使左孝同逐條籤註造冊具詳前來伏查我朝刑法承前明之舊制經

列聖之纂修詳明平恕悉準天理人情之至允宜垂之萬禩奉爲憲章者也迺自中西互市華洋雜居人異其俗國異其政刑章亦異其輕重外人遂藉口於我法律之不善以伸其治外法權彼此交涉動多爲難鑒於國際茲於時局誠有不能不改之勢然刑罰之原基於禮教禮教既異刑罰卽不能盡同細核草案總則分則規定各條集類分章多取法於日本其間輕重配置則又折衷於現行條例因革損益不無可行之處而摘其大要尙有三失刑亂用重古有明訓成周刑措尙有大辟二百誠以生人固仁殺人亦義天道不能有春而無秋王法不能有生而無殺苟慕輕刑之名卽滋養奸之弊甚非聖人明刑弼教之意也現行律例死刑七百六十條益以歷年加重章程法網雖云繁密然凌遲梟示業奉

明

詔免除立決監候又復層遞降改亦足以示寬大之仁况秋讞衡情實予勾決者十不逮一名爲死刑初未嘗盡絕牛機東西各國死刑較少中律改良原不得不稍加刪節第通計草案處死刑者僅四十六條以視現行例章相去不啻十數倍甚至謀反叛逆強盜強姦尙有不死之條而各項之未遂罪皆得以罰金了之恐水懦民玩犯法者更多此失之太輕者一斟若畫一立法本無二門故自斬絞以至杖笞等級井然刑止終於一成例不介於兩可苟有出入雖一杖一笞吏議有所不恕草案每條文於罪名之等級往往設爲某等刑至某等刑上下或併處以罰金而罰金之數又定爲數千以下至數百以上上下起訖

相去太懸易刑附刑界說未明卽如第一百八十二條內云處死刑無期徒刑或一等有期徒刑同一罪狀而論刑則分三等凡此之類不勝枚舉其條文內又未將如何而得處何刑之處酌爲聲叙當此裁判人才缺乏官吏於法律未盡熟諳勢必至高下任意處斷難平此失於太混者一禮曰聽訟必察小大之比周書上下比罪可見比附加減之法三代已有行之非自秦漢以降始創也誠以天下事變萬端有非法律所能賅備者故特設此條爲用法之準則此正執簡御繁之善法雖曰援引比附而仍不越乎正律之範圍猶是司法之向例與立法迥乎不同豈得指比附爲司法而兼立法與三權分立之義不符竟可刪除不用况考諸外國法律非無比較參照之辦法卽草案內亦尙有準照某條適用之文乃獨於第十條著明凡律例無正條者不論何種行爲不得爲罪轉似明導人以作奸趨避之路此失於太疎者一他若枉法贓之不著以死法和姦罪之不及於室女殺傷外國代表旣以傷害尊親屬論而殺制使及本管官轉概於普通殺人之例子孫謀殺父祖旣僅處以死刑而父祖之殺子孫轉與凡人同論此尤關於政體名教大爲人心世道之憂總之現時法律雖不能不採取新說以期便於交涉亦不能不兼顧內政使無越於禮防本此旨以決從違則施行自無所扞格至於採用日本名詞驟見之雖覺新異細按之尙屬簡賅惟語句艱澁頗多費解未必知愚共曉雖中律亦有非註不明者而草案實爲尤甚此非名詞稍新之足病實文義太晦而難明也除將籤註條文清冊咨送憲政編查館核定外理合會同兩江總督臣端

督部堂端 札甯蘇皖三藩司委員守提報費文

據南洋官報局詳稱竊職局前於庫款停支專恃收回報費以資挹注迭經詳蒙憲台札蘇皖藩司暨各府州委員嚴催各該屬欠解報費并指飭月清月款以資接濟在案茲截至光緒三十四年年底止查各屬欠解旬報費仍有四萬一千五百七十七元九角五分六釐八毫日報費仍有一萬一千二百三十七千零五十九文之多職局自本年正月起改良報務報册則改爲五日一出各署局則添派書手抄錄緊要公牘一切工料需用益形急迫若各屬仍復任意疲延收報而不繳費將來職局工本何以爲繼理合開摺詳祈查照前案迅賜札飭甯蘇皖藩司遴派幹員分往各該屬催提欠解報費掃數逕解職局并飭嗣後月清月款毋再延玩以資周轉實爲公便等情到本大臣據此除批此案節經專札嚴催并經本大臣於上年二月間通飭各府州廳限一個月內將各州縣欠款掃數清解延卽責成該管各府州照數賠償并行各藩司一體飭催在案茲核來詳各屬欠款仍有五萬餘元之多實屬不成事體仰候札飭甯蘇皖三藩司遴派幹員分赴各屬守提掃數解局濟用以後仍月清月款不准稍有帶欠倘再任催罔應定行責令各該管府州照數賠償繳印發并分行外合行抄摺札飭札到該司卽便通飭一體遵照辦理并趕緊委員分往守提具報毋違此札

督部堂端 札委陳令誠充蘇門答臘把東中華學堂教員兼校長文

札委事據蘇門答臘把東中華學堂總理花翎知府道銜署理荷蘭國甲必丹吳淑達等稟稱爲懇派教員以維學務而造人材事竊 朝廷變法圖強下 詔興學凡我國民無不額手爲我國前途慶故

綸音一頒海內外聞風響應仰副 朝廷之至意淑達等雖識見淺陋亦頗知強國非人才不能人才非教育不可故組織興學之心無時或息迨光緒三十二年春草草設一兩等小學堂於把東埠一切規模悉照奏定章程初賴同志各認月捐以充經費暫租民房以作校舍繼蒙兩廣岑前督奏派劉大令士驥南來視學始藉劉令一番鼓舞之力乃得捐款三萬餘盾以置校所添聘教員斯時經費稍有著落規模粗具始備冊於兩廣存案移咨閩浙後劉公使節旋復命又蒙兩廣岑前督奏獎在事出力人員外並給發把東小學堂鈐記一顆足見 朝廷優視海外破格獎勵淑達等奉到獎諭誠惶誠恐慮學堂辦無效果有負 朝廷是以汲汲求臻完善得收效果以報 朝廷優視破格之盛德無如海外華僑久違聖教道德墮落人心渙散故學堂雖設於今三年而入學者尙屬寥寥推其原因無非敗類輩毀謗破壞有以致之也本學堂教員張傑有鑒於此迭次函商淑達等將學堂規則再加改良以臻美備並擬稟請督憲大人加派一品學兼優熟悉管理老成持重者充本學堂教員兼校長伏念督憲大人熱心興學海內外一視同仁故敢瀝陳懇恩如蒙俯准揀派之員以操南音者爲宜蓋本學堂開辦以來皆授以南音恐易以北音前後參差有碍進步東金全年約荷銀一千二百盾之度膳費一切由本學堂供應任滿三年

奉送往返二等輪位川資至東金叔連等則知太薄本學堂經費支絀多則恐難維持

酌加合并呈明督憲大人俯念海外風氣未開籌畫維艱力加推行也
行支票一紙荷銀三百盾以作川資倘有存欠到日再爲抵補教員動身之日懇爲知照到香駐中華新
報館到星嘉坡駐端蒙學堂該處本學堂均有函知優爲招待理合再爲呈明等情并銀行支票一紙到
本部堂據此除批據稟已悉該總理等聯合同志組織兩等小學堂熱心教育殊堪嘉尙現因學生無多
頗欲改良規則所請派一品學兼優熟悉管理老成持重者充該堂教員兼校長具見力求進步自應代
爲遴選茲查有前儀徵縣知縣甲午科進士福州陳誠品粹學純辦事穩練堪以派往每年脩金荷銀一
千二百盾卽由該堂按月分給此次前往該埠川資卽以該堂寄來荷銀三百盾發交陳校長應用將來
有無存欠應由該員到埠後與該堂結算除札委外仰卽遵照繳印發並分行外合行札委札到該員卽
便遵照剋日啓程前往把東中華小學堂認真管理教授以期中朝文教輸灌南洋海外僑童羣沾化澤

南洋五日官報
先志分賚

遺珍哀感舊人旁及疆吏彰身有耀恍親

原廟之衣冠小物克勤永奉

几筵之瑤玉臣彈冠結綬此衷莫罄夫哀榮懷瑾握瑜何一不出於

推解合兩江而注淚長戀

龍髯戴三山而不辭誓安輜軸所有微臣哀感下忱謹繕摺具陳伏祈

皇上聖鑒謹

奏

大清郵政特准掛號立券之郵件

本報五日一册每月報資大洋七角
局設南京省城藩署後全福巷內

西歷一千九百九年三月二十一號 禮拜日